

آبونه شرائطی

داخلی، خارجی، هری راجیون
سنه لکی (۲۵۰)، آلتی آیلنی
(۱۳۰) غروشدور.

نسخه سی ۵ غروش،
سنه لکی ۵۲ نسخه در

اداره خانه

باب عالی جاده سنده دائره مخصوصه
اخطارات

آبونه بدلی بدیندر

مسئله موافق آثار مع المنونیه
قبول اولنور. درج ایدلهین
یازیر اعاده اولونماز

والله یهدی من یشاء الی صراط مستقیم

محمد عاکف

اشرف ادیب

آبمون اهدکم سبیل الرشاد

۲۱ کانون تانی ۱۲۳۶

پنجشنبه

۳۰ ربیع الاخر ۱۳۳۸

عدد: ۴۵۶

جله ۱۸

کتابخانه

۱۳۳۸

دینی، فلسفی، علمی، ادبی، سیاسی هفته لک مجموعه اسلامیه در
صاحب و مدیر مسئول
باش محرر

اخطارات

ادرس تبدیلنده آریجه بش
غروش کوندردلیدر

مکتوبلرک امضاری واضح
واووناقیل اولسی و آبونه صبره
نومروسی محتوی بوتوسی
لازمدر

مالک اجنبیه ایچون آبونه اولالرک
آدرس لرینک فرانسه جده یازلمسی
رجا اولنور

باره کوندردلیکی زمانه ده دایر
اولدهی واضحاً بیلدیرلمسی
رجا اولنور

منفردتک رجال سیاسیه سنه مترتب بروطیفه بومستله بی برایکی سنه ده و قومی محتمل اولان حادثاتی نظر اعتباره آلارق دکل . بالمکس اوروبایی مشغول ایدن برعالمک احساسی نقطه نظرندن تدقیق ایتلیدر . بومستله ، بک چوق بویوک ، بلکه حربک الک بویوک مسئله سیدر .



سید علی امیر حضرتلرینک تایمسه جوابی

(تایمس) ک ۷ کانون ثانی تاریخل نسخه سنده هندستان اکا بررچالندن و علمای بنامندن مجلس قرالی مشاوری سید امیر علی حضرتلری طرفندن ویریلن جوابدر :

«تایمس» سرمحررینه

افندم ،

استانبول حقنده انگلیز سیاستک نقطه نظرینی ایضاح ایدن مهم بندکزه دائر ملاحظات آتیہ بی درمیان ایچون معتاد اولان نزاکت ولطفکنزه مراجعت ایلرم .

یکرمی بش اوتوز میلیونلق تبعه مسلمیه مالک اولان فرانسه نک حسیات اسلامیہ رعایتکار اولماسنه قارشی یوز میلیون تبعه اسلامیہ سی اولان انگلتره نک بونلری اہمال ایتسی جدأ کولونج اولور . بو ایکی دولت معظمہ نک تمایلات وحالات فکریہ سنده مشہود اولان فرقلر تعمیق ایدلدیکی تقدیرده انگلیز رجال سیاسیه سیلہ ارکان مطبوعاتنک نظر دقتہ آلملری اقتضا ایدن بر مسئله اولور . بومستله ده ہم طوغریدن طوغری بہ علاقہ دار اولدیقم نقطہ توصیہ ایتدیکنکز سیاستک هندستانده تولید ایدہ جکی وضعیتدر .

(بریتانیا) ایمپراطورلقندہ ہرکس هندستان مسلمانلرینک استانبول وخلافت عثمانیہ حقندہ کی حسلرینک درینلکنی وشدتی بیلیر . هند مسلمانلرینہ منحصر اولمایان بو حسک طوغدینی زمان ، ایستر سزک دبدیککنز کی یکی ، یاخود نیجہ معلوم ومؤكد اولدینی وجہلہ من القدییم موجود اولسون بو اسکیلک یکیلک مسئله سی ، اولنک سیاست عملیہ ده برعامل اولماسنه مانع دکلدر . او ، جانی بر شعوردر وبوتون هندستان قطعہ سی صارمش ، هندستانک کافہ صنوفندہ بی نظیر بر ہیجان ایقاپ وتولید ایتمشدر .

بونی ہم برحس اولہرق تلقی ایتک ، ہمده انکار ایتک سیاستہ ائتلاف ایتز . هیچ اونوتمایزک «حسن» تاریخک ادوارندہ بر چوق حرکتلرک عامل ومؤیدی اولمشدر . محاربات صلیبیہ نک اساسی «حسن» در . انگلترہ بی فلسطین ، قدس واستانبول حقندہ تحریک آمیز اندیشہ لرہ اوغرانان وتعصبات دینہ دن آزاده اولدقلری ظن اولنان محیطلری ده فتح وتسخیر ایدن اودر . (بریتانیا) ایمپراطورلقنک صلح ومسالت ایچندہ نکشافی وهندستانک - بریتانیالی وهندلی - نفوسنک سلامت وامنیتنی ایستہ بن ہر وطنداشک ، سزک توصیہ ومدافعہ ایتدیکنکز سیاستہ قارشی دفع آواز ایتسی بروطیفہ در . بوسیاست تورکیانک

مفدراتی تنظیم ایدہ جک حکملر نزدندہ جای قبول بولورسہ بونک نتیجہ سی بی حضور اولان بوتون قوتلرک بریولہدہ برلشمہ سیدر .

برملاحظہ دہا درمیان ایتہمہ مساعدہ ایدیکز . دیپورسکنزک استانبول تورکلرک النده قالدینی مدت آوروپا اقوامی ایچون بر منبع اختلال اولدی . بواختلال ، آوروپادولتلرینک استانبولی آلمق اوغورندہ کی رقابتکارانہ احتراصلرندن طوہمایورمیدی ؟ اوستردیککنز طرز حاک بواختلالی نہایتذیر ایدہ میہ چکنی ده بیان ایلرم . چونکہ بوطرز تسویہ نتیجہ سنده تہلکہ نقطہ سی آوروپادن شرقہ انتقال ایدہ جکدر . دہا صوکرہ «مراقبہ بین المللیہ» ہرزہ ده تجربہ ایدلشمسہ برقاندہ ویردی ؟ بونی اثبات ایچون «طنجہ» بی کوستریرم . ۸ کانون ثانی ۱۹۲۰

امیر علی

حیدر آباد قونفرانسی

ذات حضرت خلافتپناہی بہ بیعت خالصہ دینہ ده بولونیور

اخیرآهندستانده سندقطعہ سنک مرکزی اولان حیدر آبادشہرندہ خلافت مسئلہ سی حقندہ مهم برقونفرانس انعقاد ایتش ، قونفرانسہ هندستانک الک مهم اسلام مرکز لرندن و بیوک شہرلرندن کوندریلن مرخصلر اشتراک ایلہ مشلردی . قونفرانس بو مسئلہ مهمہ حقندہ بعض مقررات اتخاذ ایتدیکی کی ، ذات حضرت خلافتپناہی بہ عرض بیعت ایدلسنی ده تحت قرارہ آلمشدر . بو قرار قونفرانس رئیس (غلام محمد) امضاسیلہ مقام صدارتہ کشیدہ اولوان بر تلغرافنامہ ایلہ تبلیغ اولونمشدر . تلغرافنامہ نک صورتی بروجہ آتیدر :

«حیدر آباددہ انعقاد ایدن خلافت قونفرانسنک مقررات آتیہ سی عتبہ سنیہ حضرت خلافتپناہی بہ عرض ایلکیزی رجا ایلرم : قونفرانس ذات حضرت بادشاہی بی خلیفہ مشروع اولہرق طانیق خصوصندہ عالم اسلامہ اشتراک ایدر وپیغمبر ذیشانمزد افندمز حضرتلرینک خلیفہ سی وامیرالمؤمنین اولان ذات حضرت خلافتپناہی بہ بیعت خالصہ دینہ ایلہ مربوط اولدیغمیزی عرض ایلر .»

اراضی مقدسہ ماندا آلتہ آلتہ من

(تایمس) غرتہ سنہ هندستانک (امریسیار) شہرندن وارد اولان معلوماتہ نظرأ مسلمان جمعی رئیس (حکیم اجمل خان) ۲۹ کانون اول تاریخیلہ واقع اولان بر متینغندہ ارادہ ایلدیکی نقطہ خلافت ومقامات مقدسہ اسلامیہ حقندہ بروجہ آتی درمیان مطالعات ایلہ مشدر :

«مسلمانلر، مہد اسلام اولان بو اراضیدہ غیرمسلم بردولتک هیچ برصورتلہ ماندا درعہدہ ایدہ میہ چکنی اونوتمازلر . بویلہ بر حادثہ اسلام عالمندہ دائمی برشورش تولید ایدرکہ بونک معناسی مسالمتجو برخلق ایچندہ حسیات نخسور . متکارانہ بی ایقاپ ایتکدر .»